



1130 九



刻王孟集序

前進

南陽府

推官

賴山

陳鳳

撰

刻

甲寅

刻

刻

刻

王孟詩皆盛唐名家王之詩似腴實淡孟之詩似淡實腴杜少陵亟稱賞之所謂高人王右丞吾憐孟浩然是也二人在當時相得甚歡王入直內省至觸嚴憲挾孟以俱冀一見天子獲進用玄宗以其不才明主棄之句遽放還山可悲也已同寅孟孔彰氏詩似襄陽而兼毗摩詰恒惜二集未有善刻寅長屠公出此負為倡刻置罷齋別駕胡景顏氏實汝成氏咸樂相焉乃命罷



博士吳定甫視其役命鳳紀其成王集凡六卷  
孟集四卷為板二百適有魏蘇刻者遂取以即  
工故其精倍他刻云

皇明嘉靖丁酉秋七月十有九日

進王摩詰集表

臣縉言中使王承華奉宣進止令臣進亡兄故  
尚書右丞維文章恩命忽臨以驚以喜退因編  
錄又竊感傷臣兄文詞立身行之餘力當官堅  
正秉操孤直縱居要劇不忘清靜實見時輩許  
以高流至於晚年彌加進道端坐虛室念茲無  
生乘興為文未嘗廢業或散朋友之上或留篋  
笥之中臣近搜求尚慮零落詩筆共成十卷今  
且隨表奉進曲承天鑒下訪遺文魂而有知荷  
寵光於幽窆歿而不朽成大名於聖朝臣不勝





感戴悲歡之至謹奉表以聞臣縉誠惶誠恐頓  
首頓首謹言

銀青光祿大夫尚書兵部侍郎兼御史大夫臣王縉表上  
教卿之伯氏天下文宗位歷先朝名高希代抗  
行周雅長揖楚辭調六氣於終篇正五音於逸  
韻泉飛藻思雲散襟情詩家者流時論歸美誦  
於人口又鬱文房詞以國風宜登樂府眎朝之  
後乙夜將觀石室所藏歿而不朽栢梁之會今  
也則亡乃眷棣華克成編錄聲猷益茂歎息良  
深

王摩詰集卷第一

賦

白鸚鵡賦

若夫名依西域族本南海同朱喙之清音變綠  
衣於素彩惟茲鳥之可貴諒其美之斯在夫其  
入翫於人見珍竒質狎蘭房之妖女去桂林之  
雲日易喬枝以羅袖代危巢以瓊室慕侶方遠  
依人永畢託言語而雖通顧形影而非匹經過  
珠網出入金鋪單鳴無應隻影長孤偶白鸚於  
池側對皓鶴於庭隅愁混色而難辨願知名而

長安鄭  
振書  
請

此賦之公其目  
况乎

清玉單鳴之句  
真可法也





原件短缺

P2



自呼明心有識懷思無極芳樹絕想雕梁撫翼  
時銜花而不言每投人以方息慧性孤稟雅容  
非飾含火德之明輝被金方之正色至如海燕  
呈瑞有玉筐之可依山雞學舞向寶鏡而知歸  
皆羽毛之偉麗奉日月之光輝豈憐茲鳥地遠  
形微色凌紈質彩奪繒衣深籠久閉喬木長違  
儻見借其羽翼與遷鶯而共飛

四言詩

酬諸公見過

嗟余未喪哀此孤生屑居藍田薄地躬耕歲晏

輸稅以奉粢盛晨往東臯草露未晞暮看烟火  
漁擔來歸我聞有客足掃荆扉簞食伊何龜瓜  
抓棗仰厠羣賢皤然一老媿無筦篴班荆席藁  
汎汎登陂折枝作花淨觀素鮪俯映白沙山鳥  
羣飛日隱輕霞登車上馬倏忽雨散雀噪荒村  
雞鳴空館還復幽獨重歎累歎

五言古詩

扶南曲歌詞五首

翠羽流蘇帳春眠曙不開羞從面色起嬌逐語  
聲來早向昭陽殿君王中使催



堂上青絃動，堂前綺席陳。齊歌盧女曲，雙舞洛陽人。傾國徒相看，寧知心所親。

香氣傳空滿，粧華影落通。歌聞天仗外，舞出御樓中。日暮歸何處，花間長樂宮。

宮女還金屋，將眠復畏明。入春輕衣好，半夜薄粧成。拂曙朝前殿，玉墀多珮聲。

朝日照綺窗，佳人坐臨鏡。散黛恨猶輕，插釵嫌未正。同心勿遽遊，幸待春粧竟。

### 從軍行

吹角動行人，喧喧行人起。笳悲馬嘶亂，爭渡金

河水日暮沙漠陲，戰聲烟塵裏。盡係名王頸，歸來獻天子。未句有忠意

### 隴西行

十里一走馬，五里一揚鞭。都護軍書至，匈奴圍酒泉。關山正飛雪，烽火斷無烟。

### 早春行

紫梅發初遍，黃鳥歌猶澁。誰家折楊女，弄春如不及。愛水看粧坐，羞人映花立。香畏風吹散，衣愁露霑濕。玉闈青門裏，日落香車入。游衍益相思，含啼向綵帷。憶君長入夢，歸晚更生疑。不及



紅蒼鷺雙栖綠草時

奉和聖製登降聖觀與宰臣同望應制  
鳳展朝碧落龍圖耀金鏡維岳降二臣戴天臨  
萬姓山川八校滿井邑三農竟比屋皆可封誰  
家不相慶林疎遠村出野曠寒山靜帝城雲裏  
深渭水天邊映喜氣含風景頌聲溢歌詠端拱  
能任賢彌彰聖君聖

奉賀聖製御春明樓臨右相園亭賦樂

賢詩應制

複道通長樂青門臨上路遙聞鳳吹喧閭識籠

輿度塞旒明四目伏檻紆三顧小苑接侯家飛  
薨映宮樹商山原上碧滻水林端素銀漢下天  
章瓊筵承湛露將非富民寵信以平戎故從來  
簡帝心詎得迴天步

奉和聖製送不蒙都護兼鴻臚卿歸安

西應制

上卿增命服都護揚歸旆雜虜盡朝周諸胡皆  
自鄙鳴笳瀚海曲按節陽關外落日下河源寒  
山靜秋塞萬方氛稜息六合乾坤大無戰是天  
心天心同覆載



瓜園詩并序

維瓜園高齋俯視南山形勝二三時輩同賦是  
詩兼命詞英數公同用園字爲韻韻任多少時  
太子司議郎薛瓌發此題遂同諸公云

余適欲鋤瓜倚鋤聽叩門鳴騶導驄馬常從夾  
朱軒窮巷正傳呼故人儻相存攜手追涼風放  
心望乾坤藹藹帝王州宮觀一何繁林端出綺  
道殿頂播華幡素懷在青山若值白雲屯迴風  
城西雨返景原上村前酌盈樽酒往往聞清言  
黃鵬轉深水朱槿照中園猶羨松下客石上聞

清猿

同盧拾遺章給事東山別業二十韻給  
事首春休沐維已陪遊及乎是行亦預  
聞命會無車馬不果斯諾

託身侍雲陛昧早趨華軒遂陪鵷鴻侶霄漢同  
飛翻君子垂惠顧期我於田園側聞景龍際親  
降南面尊萬乘駐山外順風祈一言高陽多變  
龍荆山積瓊璠盛德啓前烈大賢鍾後昆侍郎  
文昌宮給事東掖垣謁帝俱來下冠蓋盈丘樊  
闡風首邦族庭訓延鄉村采地包山河樹井甕



川原巖端廻綺檻谷口開朱門階下羣峯首雲  
中瀑水源鳴玉滿春山列筵先朝散會舞何颯  
踏擊鍾彌朝昏是時陽和節清晝猶未暄鶉鷄  
滿色深啜喫鳥聲繁顧已負宿諾延頸翫芳蓀  
蹇步守窮巷高駕難攀援素是獨往客脫冠情  
強敦

和使君五郎西樓望遠思歸

高樓望所思目極情未畢枕上見千里胸中窺  
萬室悠悠長恨人夜夜夢歸日惆悵極浦外還  
見孤烟出能賦屬上才思歸同下秩故鄉不可

見雲外空如一

訓黎居士浙川作曇壁上人院走筆成

儂家真箇去公定隨儂否着處是蓮花無心變  
楊柳松龕藏藥裹石唇安茶臼氣味當共知那  
能不攜手

奉寄韋太守陟

荒城自蕭索萬里山河空天高秋日迥嘹唳聞  
歸鴻寒塘映衰草高館落疎桐臨此歲方晏顧  
景詠悲翁故人不可見寂寞平林東

林園即事寄舍弟統



寓目一蕭散消憂冀俄頃青草肅澄陂白雪穆  
翠嶺後河通河渭前山包鄢郢松舍風裏聲花  
對池中影地多齊后賸人帶荊州瘦徒思赤筆  
書詎有丹砂井心悲常欲絕髮亂不能整青簪  
日何長閉門畫方靜願思茅簷下彌傷好風景

贈從弟司庫員外綽

少年識事淺強學干名利徒聞躍馬年苦無出  
人智即事豈徒言累官非不試既寡遂性歡恐  
招負時累清冬見遠山積雪疑蒼翠皓然出東  
林發我遺世意惠連素清賞夙語塵外事欲緩

携手期流年一何駛

座上走筆贈薛璩慕容損

希世無高節絕跡有卑棲君徒視人文吾固和  
天倪緬然萬物始及與羣牧齊分地依后稷用  
天信重黎春風何豫人令我思東溪草色有佳  
意花枝稍含萸更待風景好與君藉萋萋

贈李頎

聞君餌丹砂甚有好顏色不知從今去幾時生  
羽翼王母翳華芝望爾崑崙側文螭從赤豹萬  
里走方息悲哉世上人甘此羶腥食



贈劉藍田

籬中犬迎吠出屋候柴扉歲晏輸井稅山村人  
夜歸晚田始家食餘布成我衣詎肯無公事煩  
君聞是非

贈房盧氏瑄

達人無不可忘已愛蒼生豈復少十室絃歌在  
兩楹浮人日已歸但坐事農耕桑榆鬱相望邑  
里多雞鳴秋山一何淨蒼翠臨寒城視事兼偃  
臥對書不簪纓蕭條人吏踈鳥雀下空庭鄙夫  
心所向晚節異平生將從海岳居守靜解天刑

或可累安邑茅茨君試營

贈祖三詠 濟州官舍作

蟪蛄挂虛牖蟋蟀鳴前除歲晏涼風至君子復  
何如高館閒無人離居不可道閉門寂已閉落  
日照秋草雖有近音信千里阻河關中復客汝  
潁去年歸舊山結交二十載不得一日展貧病  
子既深契闊余不淺仲秋雖未歸暮秋以為期  
良會詎幾日終自長相思

春夜竹亭贈錢少府歸藍田

夜靜羣動息時聞隔林犬卻憶山中時人家



贈劉藍田

籬中大犬迎吠出屋候柴扉歲晏輸井稅山村人  
夜歸晚田始家食餘布成我衣詎肯無公事煩  
君聞是非

贈房盧氏瑄

達人無不可忘已愛蒼生豈復少十室絃歌在  
兩楹浮人日已歸但坐事農耕桑榆鬱相望邑  
里多雞鳴秋山一何淨蒼翠臨寒城視事兼偃  
臥對書不簪纓蕭條人吏踈鳥雀下空庭鄙夫  
心所向晚節異平生將從海岳居守靜解天刑

或可累安邑茅茨君試管

贈祖三詠 濟州官舍作

蟪蛄挂虛牖蟋蟀鳴前除歲晏涼風至君子復  
何如高館閭無人離居不可道閑門寂已閉落  
日照秋草雖有近音信千里阻河關中復客汝  
潁去年歸舊山結交二十載不得一日展貧病  
子旣深契闊余不淺仲秋雖未歸暮秋以爲期  
良會詎幾日終自長相思

春夜竹亭贈錢少府歸藍田

夜靜羣動息時聞隔林犬卻憶山中時人家



西遠羨君明發去采蘇輕軒冕

訓前

錢起

山月隨客來主人興不淺今宵竹林下誰覺花  
源遠惆悵曙鶯啼孤雲還絕巘

贈張五弟諱三首

吾弟東山時心尚一何遠日高猶自卧鍾動始  
能飯領上髮未梳牀頭書不卷清川與悠悠空  
林對偃蹇青苔石上淨細草松下軟窻外鳥聲  
閑階前虎心善徒然萬像多澹爾太虛緬一知  
與物平自顧為人淺對君忽自得浮念不煩遣

張弟五車書讀書仍隱居染翰過草聖賦詩輕  
子虛閉門二室下隱居十年餘宛是野人也時  
從漁父魚秋風日蕭索五柳高且踈望此去人  
世渡水向吾廬歲宴同携手只應君與予  
設置守鳧兔垂釣伺游鱗此是安口腹非關慕  
隱淪吾生好清靜蔬食去情塵今子方豪蕩思  
爲鼎食人我家南山下動息自遺身入鳥不相  
亂見獸皆相親雲霞成伴侶虛白侍衣巾何事  
須夫子邀予谷口真

至滑州隔河望黎陽憶丁三寓



隔河見桑柘，藹藹黎陽川。望望行漸遠，孤峰沒  
雲烟。故人不可見，河水復悠然。賴有政聲遠，時  
聞行路傳。

秋夜獨坐懷內弟崔興宗

夜靜羣動息，蟬蛄聲悠悠。庭槐北風響，日夕方  
高秋。思子整羽翰，及時當雲浮。吾生將白首，歲  
晏思滄洲。高足在旦暮，肯爲南畝儔。

胡居士臥病遺米因贈

了觀四大因，根性何所有。安計苟不生，是身孰  
休咎。色聲何謂客，陰界復誰守。徒言蓮花目，豈

惡楊枝肘。既飽香積飯，不醉盤聞酒。有無斷常  
見，生滅幻夢受。即病即實相，趨空定狂走。無有  
一法真，無有一法垢。居士未通達，隨宜善抖擻。  
牀上無氈臥，鍋中有粥否。齋時不乞食，定應空  
漱口。聊持數斗米，且救浮生取。

贈裴十迪

風景日夕佳，與君賦新詩。澹然望遠空，如意方  
支頤。春風動百草，蘭蕙生我籬。曖曖日暖闔田  
家，來致詞欣欣。春還臯澌泮，水生陂桃李。雖未  
開萸萸滿芳枝，請君理還策。敢告將養時。



與胡居士皆病寄此詩兼示學人二首  
一興微塵念橫有朝露身如是觀陰界何方置  
我人礙有固爲主趣空寧捨寘洗心詎懸解悟  
道正迷津因愛果生病從貪始覺資色聲非彼  
妄浮幻即吾真四達竟何遺萬殊安可塵胡生  
但高枕寂寞與誰鄰戰勝不謀食理齊甘負薪  
子若未始異詎論踈與親

浮空徒漫漫汎有定悠悠無乘及乘者所謂智  
人舟詎捨貧病域不疲生死流無煩君喻馬任  
以我爲牛植福祠迦葉求仁笑孔丘何津不鼓  
棹何路不摧輶念此聞思者胡爲多阻修空虛  
花聚散煩惱樹稀稠滅想成無記生心坐有求  
降吳復歸蜀不到莫相尤

華岳

西岳出浮雲積翠在大清連天疑黛色百里遙  
青冥白日爲之寒森沈華陰城昔聞乾坤閉造  
化生巨靈右足踏方止左手推削成天地忽開  
拆大河注東溟遂爲西峙岳雄雄鎮秦京大君  
包覆載至德被羣生上帝佇昭告金天思奉迎  
人祇望幸乂何獨禪云亭



藍田山石門精舍

落日山水好，漾舟信歸風。玩奇不覺遠，因以緣  
源窮。遙愛雲木秀，初疑路不同。安知清流轉，偶  
與前山通。捨舟理輕策，果然愜所適。老僧四五  
人，逍遙蔭松柏。朝梵林未曙，夜禪山更寂。道心  
及牧童，世事問樵客。暝宿長林下，焚香臥瑤席。  
澗芳襲人衣，山月映石壁。再尋畏迷誤，明發更  
登歷。笑謝桃源人，花紅復來覲。

青溪

言入黃花川，每逐青溪水。隨山將萬轉，趣途無

百里聲喧亂。石中色靜深，松裏漾漾汎。菱荇行  
澄映，葭葦我心素。已閑清川澹，如此請留盤石  
上垂釣將已矣。

崔濮陽兄季重前山與

山西去亦對維門

秋色有佳興，况君池上閑。悠悠西林下，自識門  
前山。千里橫黛色，數峯出雲間。嵯峨對秦國，合  
沓藏荆關。殘雨斜日照，夕嵐飛鳥還。故人今向  
爾，嘆息此顏顏。

石處士山居

君子盈天階，小人甘自免。方隨鍊金客，林上家



絕巘背嶺花未開入雲樹深淺清晝猶自眠山  
鳥時一轉

丁寓田家有贈

君心尚棲隱又欲傍歸路在朝每爲言解印果  
成趣晨雞鳴鄰里羣動從所務農夫行餉田園  
婦起縫素開軒御衣服散帙理章句時吟招隱  
詩或製閑居賦新晴望郊郭日映桑榆暮陰盡  
小苑城微明渭川樹揆予宅間井幽賞何由屢  
道存終不忘迹異難相遇此時惜離別再來芳  
菲度

渭川田家

斜光照墟落窮巷牛羊歸野老念牧童倚杖候  
荆扉雉鳩麥苗秀蠶眠桑葉稀田夫荷鋤至相  
見語依依即此羨閑逸悵然吟式微

春中田園作

屋上春鳩鳴村邊杏花白持斧伐遠楊荷鋤規  
泉脉歸燕識故巢舊人看新曆臨觴忽不御悵  
悵遠行客

過李揖宅

閉門秋草色終日無車馬客來深巷中犬吠寒



林下散髮時未覺道書行尚把與我同心人樂  
道安貧者一罷宜城酌還歸洛陽社

飯覆金山僧

晚知清淨理日與人羣踈將候遠山僧先期掃  
弊廬果從雲峯裏顧我蓬蒿居藉草飯松屑焚  
香看道書燃燈晝欲盡鳴磬夜方初已悟寂焉  
樂此生閑有餘思歸何必深身世猶空虛

謁璿上人

并序

上人外人內天不定不亂捨法而淵泊無心而  
雲動色空無得不物物也嘿語無際不言言也

故吾徒得神交焉玄關大啓德海羣泳時雨旣  
降春物具美序於詩者人百其言

少年不足言識道年已長事往安可悔餘生幸  
能養誓從斷臂血不復嬰世網浮名寄纓珮空  
性無羈鞅夙承大導師焚香此瞻仰頽然居一  
室覆載紛萬象高柳早鶯啼長廊春雨響牀下  
阮家屐屨前筇竹杖方將見身雲陋彼示天壤  
一心在法要願以無生獎



王摩詰集卷第一

王摩詰集卷第二

五言古詩

送魏郡李太守赴任

與君伯氏別又欲與君離君行無幾日當復隔  
山陂蒼茫秦川盡日落桃林塞獨樹臨關門黃  
河向天外前經洛陽陌宛洛故人稀故人離別  
盡淇上轉驂駝企予悲送遠惆悵睢陽路古木  
官渡平秋城鄴宮故想君行縣日其出從如雲  
遙思魏公子復憶李將軍

送康太守



城下滄江水江邊黃鶴樓朱欄將粉堞江水映  
悠悠鏡吹發夏口使君居上頭郭門隱風岸候  
吏趨蘆洲何異臨川郡還來康樂侯

送陸貞外

郎署有伊人居然古人風天子顧河北詔書除  
征東拜手辭上官緩步出南宮九河平原外七  
國薊門中陰風悲枯桑古塞多飛蓬萬里不見  
虜蕭條胡地空無爲費中國更欲邀奇功遲遲  
前相送握手嗟異同行當封侯歸肯訪南山翁

送宇文太守赴宣城

遶落雲外山迢迢舟中賞鏡吹發西江秋空多  
清響地迥古城蕪月明寒潮廣時賽敬亭神復  
解吾師網何處寄相思南風搖五兩

送綦毋校書棄官還江東

明時久不達棄置與君同天命無怨色人生有  
素風念君拂衣去四海將安窮秋天萬里淨日  
暮澄江空清夜何悠悠扣舷明月中和光漁鳥  
際澹爾蒹葭叢無庸客昭世衰鬢白如蓬頑  
暗人事僻陋遠天聰微物縱可採其誰爲至公  
余亦從此去歸耕爲老農



送六舅歸陸渾

伯舅吏淮泗卓魯方喟然悠哉自不競退耕東  
臯田條桑臘月下種杏春風前酌醴賦歸去共  
知陶令賢

送別

下馬飲君酒問君何所之君言不得意歸卧南  
山陲但去莫復問白雲無盡時

送張五歸山

送君盡惆悵復送何人歸幾日同攜手一朝先  
拂衣東山有茅屋幸爲歸荆扉當亦謝官去豈

令心事違

齊州送祖三

相逢方一笑相送還成泣祖帳已傷離  
楚城復愁入天寒遠山澤日暮長河急解纜君已遙望  
君猶佇立

送縉雲苗太守

手疏謝明主腰章爲長吏方從會稽守更發汝  
南騎按節下松陽清江響鏡吹露冕見三吳方  
知百城貴

送從弟蕃遊淮南



讀書復騎射帶劍遊淮陰淮陰少年輩千里遠  
相尋高義難自隱明時寧陸沈島夷九州外泉  
館三山深席悅聊問罪卉服盡成擒歸來見天  
子拜爵賜黃金忽思鱸魚膾復有滄洲心天寒  
蒹葭渚日落雲夢林江城下楓葉灘上聞秋砧  
送歸青門外車馬去駸駸惆悵新豐樹空餘天  
際禽

送權二

高人不可友清論復何深一見如舊識一言知  
道心明時當薄宦解薛去中林芳草空隱處白

雲餘故岑韓侯又攜手河嶽共幽尋悵別千餘  
里臨堂鳴素琴

送高道弟耽歸臨淮作

少年客淮泗落魄居下邳遨遊向燕趙結客過  
臨淄山東諸侯國迎送紛交馳自爾厭遊俠閉  
戶方垂帷深明戴家禮頗學毛公詩備知經濟  
道高臥陶唐時聖主詔天下賢人不得遺公吏  
奉纁組安車去茅茨君王蒼龍闕九門十二達  
羣公朝謁罷冠劍下丹墀野鶴終踉蹌威鳳徒  
參差或問理人術但致還山詞天書降北闕賜



帛歸東菑都門謝親故行路日逶遲孤帆萬里  
外森漫將何之江天海陵郡雲日淮陰祠杳冥  
滄洲上蕩莽無人知緯蕭或賣藥出處安能期

送別

聖代無隱者英靈盡來歸遂令東山客不得顧  
採薇既至金門遠孰云吾道非江淮渡寒食京  
洛縫春衣置酒長安道同心與我違行當浮桂  
棹未幾拂荆扉遠樹帶行客孤城當落暉吾謀  
適不用勿謂知音稀

送張舍人佐江州同薛據十韻

東帶趨承明守官唯謁者清晨聽銀蚪薄暮辭  
金馬受辭未嘗易當是方知寡清範何風流高  
文有風雅忽佐江上州當自潯陽下逆旅到三  
湘長途應百舍香爐遠峰出石鏡澄湖瀉董奉  
杏成林陶潛菊盈把范蠡常好之廬山我心也  
送君思遠道欲以數行洒

送韋大夫東京留守

人外遺世慮空端結遐心曾是巢許淺始知堯  
舜深蒼生詎有物黃屋如喬林上德撫神運冲  
和穆宸襟雲雷康屯難江海遂飛沉天工寄人



英龍哀瞻君臨名器苟不假保釐固其任素賈  
貫方領清景照華簪慷慨念王室從容獻官箴  
雲旗蔽三川畫角發龍吟晨揚天漢聲夕卷大  
河陰窮父業已寧逆虜遺之擒然後解金組拂  
衣東山岑給事黃門省秋光正沉沉功名與身  
退老病隨年侵君子從相訪重玄其可尋

留別山中溫古上人兄并示舍弟縉

解薜登天朝去師偶時哲豈唯山中人兼負松  
上月宿昔同遊止致身雲霞末開軒臨潁陽  
視飛鳥沒好依盤石飯屢對瀑泉渴理齊少狎

隱道勝寧外物舍弟官崇高宗兄此削髮荆扉  
但灑掃乘閑當過歇

觀別者

青青楊柳陌陌上別離人愛子遊燕趙高堂有  
老親不行無可養行去百憂新切切委兄弟依  
依向四鄰都門悵飲畢從此謝親賓揮淚逐前  
侶含悽動征輪車徒望不見時見起行塵余亦  
辭家久看之淚滿巾

別弟縉後登青龍寺望藍田山

陌上新別離蒼茫四郊晦登高不見君故山復



雲外遠樹蔽行人長天隱秋塞心悲宦遊子何處飛征蓋

別弟妹二首

兩妹日成長雙鬟將及人已能持寶瑟自解掩羅巾念昔別時小未知踈與親今來始離恨拭淚方慙慙  
小弟更孩幼歸來不相識同居雖漸慣見人猶未覓宛作越人語殊甘水鄉食別此最爲難淚盡有餘憶

別綦母潛

端笏明光宮歷稔朝雲陛詔刊延閣書高議平津邸適意偶輕人虛心削繁禮盛得江左風彌工建安體高張多絕絃截河有清濟嚴冬爽羣木伊洛方清泚渭水水下流潼關雪中啓荷蓀幾時還塵纓待君洗

新晴晚望

新晴原野曠極目無氛垢郭門臨渡頭村樹連溪口白水明田外碧峯出山後農月無閑人傾家事南畝

晦日遊大理韋卿城南別業



與世澹無事自然江海人側聞塵外遊解轆駑  
朱輪平野照暄景上天垂春雲張組竟北阜汎  
舟過東鄰故鄉信高會牢醴及佳辰幸同擊壤  
樂心荷堯爲君

郊居杜陵下永日同携手人里藹川陽平原見  
峯首園廬鳴春鳩林薄媚新柳上卿始登席故  
老前爲壽臨當遊南陂約略執杯酒歸與絀微  
官惆悵心自咎

冬中餘雪在墟上春流駛風日暢懷抱山川好  
天氣彫胡先晨炊庖膾亦後至高情浪海岳浮

生寄天地君子外簪纓埃塵良不啻樂衡門  
中陶然忘其貴

高館臨登陂曠然蕩心目淡蕩雲天玲瓏映  
墟曲鵲巢結空林雉雊響幽谷應接無閑暇非  
徊以躑躅紆組上春堤側弁倚喬木弦瑟忽已  
鳴後期洲應綠

冬日遊覽

步出城東門試騁千里目青山橫蒼林赤白團  
平陸渭北走邯鄲關東出函谷秦地萬方會  
朝九州收雞鳴咸陽中冠蓋相迫逐丞相過列



侯羣公餞光祿相如方老病獨歸陵宿

自大散以往深林密竹  
蹬道盤曲四五  
十里至黃牛嶺見黃花川

危徑幾萬轉數里將三休迴環見徒侶隱映隔  
松丘颯颯松上雨濤濤石中流靜言深溪裏長  
嘯出山頭望見南山陽白露霽悠悠青皇麗已  
淨綠樹鬱如浮曾是厭蒙密曠然有人憂

休假還舊業便使

謝病始告歸依依入桑梓家人皆伴立相候衡  
門東時輩皆長年成人舊童子十堂嘉慶畢顧

與姻親論舊忽餘悲自存且相言相園轉蕪

茂但言寒泉水玻璃日蕭條秋光清邑里入門

如客休騎非便止中飯顧王程離憂從此始

早入滎陽界

汎舟入滎澤茲邑乃雄藩河曲問閭隘川中煙  
火繁因天見風俗入境聞方言秋日晚疇感朝  
光中執帝漁商波上客爲大片使打前路白雲  
外孤帆安可論

宿鄭州

朝與同人醉暮投鄭人宿他鄉絕博侶孤客親



僮僕絕終望不見秋霖晦平陸田父草際歸村  
童雨中牧主人東臯昨時稼蕩茅屋蟲思機打  
悲雀喧未黍熟明當渡京水昨晚猶金谷此去  
欲何言窮邊徇微祿

波河到清河竹

汎舟大河裏積水窮天涯天波怒開折郡色不  
萬家行復見城市宛然有桑麻迴瞻舊鄉國祇  
漫道雲霞

苦熱

赤日滿天地火土成山岳草木盡焦然二川澤皆

竭涸輕紈覺衣重密樹苦陰薄莞簟不可近絺  
綌再三濯思出宇宙外曠然在寥廓長風萬里  
來江海蕩煩濁却顧身爲患始知心未覺忽入  
甘露門宛然清涼樂

納涼

喬木萬餘株清流貫其中前臨大川口豁達來  
長風漣漪涵白沙素鮪如遊空偃卧盤石上  
壽沃微躬漱流復濯足前對釣魚翁貪餌凡幾  
許徒思蓮葉東

濟上四賢詠



崔錄事

解印歸田里賢哉此丈夫少年曾任俠晚節更  
爲儒遁世東山下因家滄海隅已聞能狎鳥余  
欲共乘桴

成文學

寶劍千金裝登君白玉堂身爲平原客家有邯  
鄲媼使氣公卿座論心遊俠場中年不得志謝  
病客遊梁

鄭霍二山人

翩翩繁華子多出金張門幸有先人業早蒙明

主恩童年且未學肉食鶩華軒豈乏中林士無  
人薦至尊鄭公老泉石霍子安丘樊賣藥不二  
價著書盈萬言息陰無惡木飲水必清源吾賤  
不及議斯人竟誰論

偶然作六首

楚國有狂夫茫然無心想散髮不冠帶行歌南  
陌上孔丘與之言仁義莫能獎未嘗肯問天何  
事須擊壤復笑採薇人胡爲乃長往

田舍有老翁垂白衡門裏有時農事閑斗酒呼  
鄰里喧聒茅簷下或坐或復起短褐不爲薄園



三厚齋集卷三  
十一  
葵園足美動則長子孫不曾向城市五帝與三  
王古來稱天子干戈將揖讓畢竟何者是得意  
苟爲樂野田安足鄙且當放懷去行行沒餘齒  
日夕見太行沉吟未能去問君何以然世網嬰  
我故小妹日成長兄弟未有娶家貧祿旣薄儲  
蓄非有素幾迴欲奮飛踟躕復相顧孫登長嘯  
臺松竹有遺處相去詎幾許故人在中路愛染  
日已薄禪寂日已固忽呼吾將行寧俟歲云暮  
陶潛在天真其性頗耽酒自從棄官來家貧不  
能有九月九日時菊花空滿手中心竊自思倘

有人送否白衣携壺觴果來遺老叟且喜得斟  
酌安問升與斗奮衣野田中今日嗟無負兀傲  
迷東西蓑笠不能守傾倒強行行酣歌歸五柳  
生事不曾問肯媿家中婦

趙女彈箜篌復能邯鄲舞夫婿輕薄兒闔雞事  
齊主黃金買歌笑用錢不復數許史相經過高  
門盈四牡客舍有儒生昂藏出鄒魯讀書三十  
年腰下無尺組被服聖人教一生自窮苦

老來嬾賦詩惟有老相隨宿世謬詞客前身應  
畫師不能捨餘習偶被世人知名字本皆是此



心還不知

西施詠

艷色天下重，西施寧久微。朝爲越溪女，暮作吳宮妃。賤日豈殊衆，貴來方悟稀。邀人傅脂粉，不自着羅衣。君寵益嬌態，君憐無是非。當時浣沙伴，莫得同車歸。持謝鄰家子，數顰安可希。

李陵詠

漢家李將軍，三代將門子。結髮有奇策，少年成壯士。長驅塞上日，深入單于壘。旌旗列相向，蕭鼓悲何已。日暮沙漠陲，戰聲烟塵裏。將令驕虜

滅，豈獨名王侍。旣失大軍援，遂嬰穹廬耻。少小蒙漢恩，何堪坐思此。深衷欲有報，投軀未能死。引領望子卿，非君誰相理。

鷲子龕禪師

山中燕子龕，路劇羊腸惡。裂地競盤屈，插天多峭嶮。瀑泉吼而噴，怪石看欲落。伯禹訪未知，五丁愁不鑿。上人無生緣，生長居紫閣。六時自持磬，一飲尚帶索。種田燒白雲，斫漆爨丹室。行隨拾栗猿，歸對巢松鶴。時許山神請，偶逢洞仙博。救世多慈悲，即心無行作。周商倦積阻，蜀物多



淹泊巖腹乍旁穿，澗唇時外拓橋。因倒樹架柵，  
值垂藤縛鳥道，悉已平。龍宮爲之洞，曉波誰揭。  
厲絕壁，免捫摸。山木日陰陰，結跣歸舊林。一向  
石門裡，任君春草深。

羽林騎閨人

秋月臨高城，城中管絃思。離人堂上愁，稚子階  
前戲。出門復映戶，望望青絲騎。行人邊欲盡，狂  
夫終不至。左右寂無言，相看共垂淚。

冬夜書懷

冬宵寒且永，夜漏宮中發。草白露瀼瀼，霜木哀澄

清月麗服映，頽頽朱燈照。華髮漢家方，尚少顧  
影慙朝謁。

早朝

皎潔明星高，蒼茫遠天曙。槐霧暗不開，城鴉鳴  
稍去。始聞高閣聲，莫辨更衣處。銀燭已成行，金  
門儼駟馭。

寓言

朱紱誰家子，無乃金張孫。驪駒從白馬，出入銅  
龍門。問爾何功德，多承明主恩。闔閭雞犬樂，館射  
雉上林。園曲陌車騎，盛高堂珠翠。繁柰何軒冕



貴不與布衣言

君家御溝上垂柳夾朱門  
列鼎會中貴鳴珂朝  
至尊生死在八議窮達由一言  
須識苦寒士莫  
矜孤白溫

獻始興公

寧棲野樹林寧飲澗水流  
不用坐梁肉崎嶇見  
王侯鄙哉匹夫節布褐將白頭  
任智誠則短守  
仁固其優側聞大君子安問黨與  
雙所不賣公  
雷動爲蒼生謀賤子跪自陳  
可爲悵下不感激  
有公議曲私非所求

哭殷遙

人生能幾何畢竟歸無形  
念君等爲死萬事傷  
人情慈母未及葬一女纔十齡  
泱泱寒郊外蕭  
條聞哭聲浮雲爲蒼茫  
飛鳥不能鳴行人何寂  
寞白日自凄清憶昔君在時  
問我學無生勸君  
苦不早令君無所成  
故人各有贈又不及平生  
負爾非一途痛哭返柴荆

歎白髮

我年一何長鬢髮日已白  
俛仰天地間能爲幾  
時客惆悵故山雲徘徊空日夕  
何事與時人東

教語  
言調  
歎有



城復南陌

敬南陽夫人樊氏挽歌

石窳恩榮重金吾車騎盛將朝每贈言入室還  
相敬疊鼓秋城動懸旌寒日映不言長不歸環  
飄猶將聽

王摩詰集卷第二

王摩詰集卷第二



